



Dat Holsten Land Recht.

De Dynge Lüde synd Vorband tho ei-
nem Ordell.

Ich begehre noch Ordell vnde Recht / Eines
rechten Deling Holsten Recht / wor ydt nicht so ferre Da-
ges ys / dat ick hir ein Lottding hegen vnde holden mach / von
mynes gnädigen leven Heren wegen / ock van vnsern Ampt-
man Hinrich Blome synet wegen.

Herr Baget / wil gy dat Ordell vnde Land Recht weten /
ydt ys wol so ferre dages / gy möget hyr wol ein Lottding / he-
gen vnde holden / van mynes gnädigen leven Heren wegen /
ock van vnsern Amptman Hinrich Blome synent wegen /
de wyle dat ydt vp dissen Dach settet vnde legt ys / yur vnde
my de Macht vnde Gewalt befallen ys.

So dhoe ick als my dat Recht tho funden ys / so hege
ick hir ein Lottding vnd holde hir ein Lottding by der Gra-
venbandt / by der Königliche Würde vnd Gewalt / by mynes
gnädigen leven Heren wegen / ock van vnserm Amptman
Hinrich Blome synent wegen.

Thom andern mal hege ick hir ein Lottding / vnde holde
hir ein Lottding by der Gravenbandt / by der Königlichen
Würde